

陵陽朱爾旦字小明性豪放然素鈍學雖篤尙未知名一曰文社衆飲或獻之云君有豪名能深夜赴十王殿負得東廊判官來衆當釀作筵蓋陵陽有十王殿神鬼皆以木雕妝飾如生東廡有立判綠面赤鬚貌尤獍惡或夜聞兩廊拷訊聲入者毛皆森豎故衆以此難朱朱笑起徑去居無何聞門外呼曰我請髯宗師至矣衆皆起俄負判入置几上奉觴酬之三衆睹之瑟縮不安於坐仍請負去朱又把酒灌地祝曰

卷一

聊齋志異

壽

門生狂率不文大宗師諒不爲怪荒舍匪遙合乘興來覓飲幸勿爲哂哇乃負之去次日衆果招飲抵暮半醉而歸興未闌挑燈獨飲忽有人舉簾入視之則判官也朱起曰噫吾殆將死矣前日冒瀆今來加斧鑕耶判啓濃髯微笑曰非也昨蒙高義相訂夜偶暇敬踐達人之約朱大悅牽衣捉坐自起滌器爇火判曰天道溫和可以冷飲朱如命置瓶案上奔告家人治肴果妻聞大駭戒勿出朱不聽立俟治具以出易

門適相值便入告媪且請偕女同歸媪喜曰我有志
匪伊朝夕但賤體不能遠涉得甥攜妹子去識認阿
姨大好呼嬰寧寧笑至媪曰有何喜笑輒不輟若不
笑當爲全人因怒之以目乃曰大哥欲同汝去可便
裝束又餉家人酒食始送之出曰姨家出產充裕能
養冗人到彼且勿歸小學詩禮亦好事翁姑卽煩阿
姨爲汝澤一良匹二人遂發至山坳回顧猶依稀見
媪倚門北望也抵家母睹妹麗驚問爲誰生以姨女
對母曰前吳郎與兒言者詐也我未有姊何以得甥
問女女曰我非母出父爲秦氏沒時兒在襍中不能
記憶母曰我一姊適秦氏良確然殂謝已久那得復
存因細詰面龐痣贅一一符合又疑曰是矣然亡已
多年何得復存疑慮問吳生至女避入室吳詢得故
惘然久之忽曰此女名嬰寧耶生然之吳極稱怪事
問所自知吳曰秦家姑去後姑丈鰥居崇於狐病瘠
死狐生女名嬰寧縹臥牀上家人皆見之姑丈歿狐

女哽咽曰曩以相從日淺言之恐致駭怪今日察姑及郎皆過愛無有異心直告或無妨乎妾本狐產母臨去以妾託鬼母相依十餘年始有今日妾又無兄弟所恃者惟君老母岑寂山阿無人憐而合厝之九泉輒爲悼恨君倘不惜煩費使地下人消此怨恫庶養女者不忍溺棄生諾之然慮墳塚迷於荒草女但言無慮刻日夫妻輿櫬而往女於荒煙錯楚中指視墓處果得媪屍膚革猶存女撫哭哀痛昇歸尋秦氏

卷一

聊齋志異

異

墓合葬焉是夜生夢媪來稱謝寤而述之女曰妾夜見之囑勿驚郎君耳生恨不邀畱女曰彼鬼也生人多陽氣勝何能久居生問小榮曰是亦狐最黠狐母畱以視妾每攝果餌相哺故德之常不去心昨問母云已嫁之由是歲值寒食夫妻登秦墓拜掃無缺女逾年生一子在懷抱中不畏生人見人輒笑亦大有母風云

聶小倩